

## **Tschau Annemarie**

Annemarie, d'Hose sind dir z'chly!  
D'Jagge z'gross, hesch duss de Hosestoss.  
Dini Händ späckig, d'Nägeli dräckig,  
Annemarie, lueg der e chli!

Annemarie, d'Nase lauft devo  
und uf em Pulli chläbt s'Zmittag no!  
S'Ti-schi isch z'äng und schmöckt e chli sträng,  
Annemarie, lueg dir e chli!

D'Chatz miaut, de Hund seid: Wau!  
und de Papagei meint: Nei!  
Annemarie sitzt am Chuchitisch  
und esch z'fride, so wie sie isch.

Duli du jo, duli jo – und isch z'fride, so wie sie isch.